


0
1cm
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28



浙江圖書館



浙江圖書館



浙江圖書館



浙江圖書館



皇明名臣琬琰錄卷之十三

布政使黃公墓誌銘

布政使周公墓誌銘

布政使秦公墓誌銘

節菴陶公墓碑

左布政使蔣公墓誌銘

右布政使夏公傳

左布政使龐公墓誌銘

左布政使李公墓誌銘

浙江圖書館

王世貞續編



林俊

林俊

倪岳

湛若水

楊廷和

顧清

左布政使華公神道碑

邵寶

右布政使吳公傳

鄭曉

右布政使方公墓誌銘

林俊

右布政使陳公墓誌銘

林俊

布政使杭公墓表

右布政使孟公墓誌銘

左布政使楊公墓誌銘

左布政使林公墓誌銘

左布政使劉公行狀

張原明傳

浙江圖書館

陸榘

劉玉

林俊

邵寶

左布政使謝公神道碑



浙江圖書館

劉龍

珍
子
書



浙 江 圖 書 館

林
俊

正奉大夫正治卿貴州左布政使黃公墓誌

銘

普安亂既平揆事錄功黃公求我當進秩故事方伯進秩
中丞為常公資望已淹矣方須有新命則以訃聞弘治
壬戌九月十三日也生正統丁巳四月二十又五日諱璉
字汝器犀坡人入國朝犀坡第進士自公始黃進士亦
自公始蒲為給事中為叅議無遷者遷亦自公始木納簡
野退然若農家先是時進士偉儀觀音吐洪亮無南語則
選給事公不得選給事及是擇才望為宜公選給事署之
戶科督後湖而南聚天下民版磨校之又職言天下事公
持大體不掇拾人小過汪直擅柄王越相倚為姦利公率

科道極言 憲宗逐二人連其黨以盡其為浙藩叅議提
督溫處銀治鑛故竭率輸自民以糧為差新鑛間一出盜
盤據之民重驚擾公曰鑛地利也不輸諸地輸諸民天下
皆治也獨溫處然故且新鑛徒餌盜奚功於國與民遂擒
其魁散其徒疏言罷課塞鑛民永永便 上曰可遂改雲
南雲南糧屯出者十五六武流侵盜漫不可為疏理公嚴
限之歲輸告完撫巡上勞績為司叅政貴州 命已下矣
三年進右布政使又三月轉左累階正奉大夫正治鄉公
父在貴州夷民馴習無間志賢練上孚而普安事作生是
不可遷蓋普安王知州死妻米魯謀自襲毒殺其庶子生

事者急之魯遂為變官多被誣辱公僚顧獨脫深溷魯疏
自直獨不掛公一句提督軍務大司徒王公待之殊等供
饋主畫公亦力為之盡故評第功特加嗚呼公已矣是士
夫之慟也公靜定渾晦不市恩不養交不立崖異實常譽
先文以宣徹其視事也星出入為期嘗曰人須自五忠信
廉謹吾事也其外落毀譽吾寧知之因號求我歷清顯幾
四十年俸食贏餘以脩先祠先墓周九族鄉舊之貧田不
頃增屋舊迨公之妻子亦莫不視為安固不知有今日也
有洪量在浙江以吏失公移為御史所中滯右遷其後御
史謫幕下公畧脩怨薦之彌力所居望江南村水縮公告

守令鑿渠自小山抵岩沁引木蘭延壽二水以溉田用腴
又告岩沁更鑿則秋蘆之流可會二水舟由瀨溪抵江上
五六十里可息肩背為奸者所格工中寢至今人吊遺蹟
為慨曾祖宗道祖宏中父本清封徵仕郎南京戶科給事
中母俞氏贈孺人配許氏滿頭仲熙之女封孺人公窮能
織組佐家費貴能無驕能澹簡以相慰助為廉先公一年
生成化丁未先卒子詢義官娶莊講邑庠生娶傅諤娶鄭
女適林與孫男鋳鋁鑄鍵銘女三墓在鳳林祖墓之東十
窳公與孺人居中側室聶與華與諤以次而祔餘為詢講
與婦以甲子正月壬申襄事以與外父饒州通判漢之狀

請銘饒州人望也狀則可信然公豈待銘後傳哉寤突之
筆祇重愧畏而已銘曰 海匯百流嶽收群望高深不言
誰則尋丈悔悔求我若納若愚若遲弗任歲計乃餘今吾
伊人言貌疇信不凋不摧松柏受命公始諫垣危論琤琤
天子明聖公猷是經公來浙東群盜結糾弗懾弗懲永突
彪吼公赫三令如風如雷陶鼓簸扇磔其猾魁公功不有
柔惠且武除課蘇人召伯杜父維時浙人朝不謀夕自公
來只民以衣食公來自滇宿弊澄汰比安貴陽民永麻賴
公古循吏質簡而文維實維歟維蘭斯薰悠悠絳旌鳳林
玄夜公祠于鄉亦祭于社

浙江圖書館



浙江圖書館

明進資善大夫四川右布政使致仕例進一階翠渠

周公墓誌銘

林俊

昔者壺山崩或測所應于予予意必翠渠翁一夕夢登公堂
空一機書歸休二字其上覺而測曰噫歸死也謂息爲之
休空一機世機乎息矣行其庭不見其人公殆爾矣時壽
八十九未數月果病移席中堂子大謨鎮海掃松乎至遂
逝正德戊寅七月八日也嗚呼其不可作矣周出清江上
廊仕族公諱瑛字梁石號蒙中子白賁道入翠渠其最後
號也父諱舉贈奉直大夫知州尺籍鎮海公生鎮海鑿臞
古博學善文徃徃有竒悟景泰癸酉爲主司聶大年所知

置魁亞又與陳公公甫賀公克恭友善危論高氣間取大名者之忌第進士出知廣德州賢旌授誥然猶歷九載始南京儀部正郎又三年守撫州又五年移簡鎮遠夫以清華論思之選臺省之屬曾無公一席之地必州外之文淹之南冷之撫困之至居夷而極矣王端毅公爲上宰進公四川大叅尋右轄端毅去公亦服憂潘太宜人旣望七之年無用世志矣言者薦公可用孝廟意有所屬而公以老請遂進資善大夫致仕尊號例進一階公政用寬繼用嚴繼復靜暇舉之教民有禮課士有程不舉女有禁祠山有辯陂水利著政本第輸納著政均立保甲著政原政不鄙

夷其民文教之脩亦發端于此矣藩政別立老格猶以古
見迂世之求人者蓋亦祥矣公廣德有祠有志蜀有志今
吏能固少也性不視生產祿入娶三婦嫁其七女急義期功
之承凡出費無問大謨出亦無問家竟落雷戶應龍助以
金於是白雲乎葬配先宜人陳繼宜人吳吳今壽八十四
子大標先夫大謨取兩魁為進士亦夫南鳳南鵬南鸚三
孫傑立後之起足信所著有翠渠集經世律呂管鑰字學
纂要詞學筌蹄地理著龜周易叅同契本義渙仲潛夫力
取嗣響子上之學亦深有意焉子族孫僉事近龍公子婚
也狀事行請銘予敢操是筆告夫公者前輩舊學抑予銘

信也銘曰藏聲卷迹魚水是逢不有偶也齊瑟徒工蒼珮
彤班天顏咫尺不有偶也朝不一日弗副其長以須其左
牧其疲人天子命我退而有作尚白誰玄粵有楊子我公
其傳

浙江圖書

中奉大夫江西等處承宣布政使司右布政使致

仕秦公墓誌銘

倪岳

江西布政使司右布政使致仕秦公既卒之又明年為弘
治丁巳越 月 日其孤銳始克奉公柩葬于邑惠山聽
松庵之南乃具里彥李舜明所述狀俾來請銘昔公之以
徵恙去官吾黨縉紳之士咸為之惋歎而今則已笑按狀
公諱夔字廷韶姓秦氏別號中齋宋淮海先生少游之裔
先生之子湛倅常州乃有籍于常先生初葬高郵後遷于
錫至公六世祖瑞依墓以居遂為錫人既而遷今所居鳳
光橋者公曾祖諱彥和諱季昇者公之祖以厚德重於鄉

以能詩名于時始封兵部主事進武昌知府諱景暘者公
之父其配殷封安人贈恭人者公之母也公生數歲以穎
敏稱武昌遣從楚府伴讀余季樞游卒業于東平知州劉
超遠之門學有造詣遂領天順己卯京闈鄉薦登庚辰進
士第奉 詔賜歸明年入朝拜南京兵部武庫主事進職
方員外郎再轉武庫郎中成化壬辰出為武昌知府以內
艱去服闋轉江西之建昌乙巳擢福建右叅政嘗在告者
逾三月丁未進江西右布政使遂以疾致仕此公歷官之
繁也公始筮仕勤勵弗懈有志事功其武庫郎奏革隸卒
之冗者以杜請託迄今民受其惠其在武昌地大政繁且

藩臬所蒞事恒掣肘公至首除奸惡植良善興學課農積
穀緩刑創養濟院定均徭法一意愛民如恐不及巡撫都
御史繁昌吳公永新劉公前後至皆禮重公仍下其均徭
法於列郡行之嘗祀神至江許見一婦反接接沙中氣絕
頃之少甦扣之則曰妾杭人柳氏隨夫商於外為盜劫殺
將污拒不從因投于此公即收置屏處蹤跡得盜寘之法
歸婦于其家優人李昆寓長沙見陸氏女美而多貲乃百
計求得之其族兄來赴秋試具懇於公公按正其罪女還
陸氏由巡撫巡按及藩臬之長交章疏公治行為湖南第一
一旌擢將行而公以憂去先是郡中百需皆取辦諸市父

不酬直民用怨咨公乃闔帑藏之以贓罰名者為銀若干
兩即散給市民歡動閭巷或曰公且去宜私其餘公怒斥
之悉籍其數置故處乃歸民至攀轅不忍捨有役均訟平
之謹其在建昌民尤健訟公治之如武昌始皆懾服廣昌
有何姓者與令有隙他民將訟令令疑之乃陰令人首何
罪惡密捕得之論以極典何族訴於公公疑焉詢之人曰
寃也乃逮首者詰之曰爾胡得厚誣平人吾固知非爾心
也第以情言之否且得罪其人流涕吐實何遂免死言水
彭伍二大姓相奏詰逮者百餘人歲久不決憲臬以屬公
擇曠地人相距數丈則立一木繫之使不得相耳語乃次

第鞠之語或矛盾輒加考掠不旬月盡得其情獄成民伏辜聞者快焉其治瑞州獄亦然公此政績之著也公自幼嗜學於書無所不讀為文章下筆累數百言滔滔無滯詩清麗有唐人風書法趙松雪景仰先哲所至考求遺跡脩舉廢墜如武昌新張車匠祠葺黃鶴樓建昌復李泰伯曾南豐祠皆措置有法役弗及民遇山川佳勝處登臨懷古形之賦詠尤多性剛直善善惡惡无所為故平生所交游必清介有文之士待寮友一以信義處鄉黨遇族姻和而有禮平居簡約未嘗輕涉公府此公學行之優也性孝友以殷恭人沒弗及奉含歛每言及輒慟事武昌敬愛備至

在金陵建昌皆迎就養及至政歸尚无恙乃作五峯草堂
天全亭於九龍山下建隆壽堂於所居之坎隅日與二弟
旦爽奉武昌游衍其間武昌喜談詩好登山臨水為樂每
遇勝日必延致騷人墨客親奉杖屨以從鄉人榮之如是
者數年及卒公哀毀踰節疾復作瀕殆乃執二弟手索筆
為書惟以弗克躬襄大事為恨言不及他此公孝友之實也
其卒以弘治乙卯十二月十二日距生則宣德癸丑五月
三日得壽六十有三所著中齋集若干卷藏于家配沈氏
封安人進恭人子男一即銳功舉進士業為邑庠生女五
皆適儒族初公既得吉壤茂林脩竹秀蔚而深窈心且樂

之將營壽藏而未果至是覲乃即其地營建塋域具如法
式蓋踰年而後成遂以葬焉惟公卓犖之才清粹之行勲
名炳炳方將追軼古人而弗及大施遽以疾沮豈造物者
亦有意於其間乎召耶嗚呼惜哉銘曰

惟貌之癯惟德之腴揚于天衢焯乎今譽其進也徐桂藩
載居公望未踰公才有餘忽然懸車公体之瘡若彼龍駒
扼于馳驅孰不歎歎公心則娛山水盤紆以爲親愉九龍
之墟爰有幽廬擅美一隅惟公所須我其銘諸百世弗渝

浙江



浙江圖書館

通奉大夫湖廣等處承宣布政使司左布政兼廣
東等處提刑按察司副使節菴陶公墓碑

增城湛若水撰

惟公厥姓陶氏厥諱曰魯厥字曰自強厥號節菴厥族西
廣之鬱林厥宦考蔭肇丞廣之新會縣遷知厥縣遷廣州
府同知遷廣之按察僉事遂遷厥副使遷湖廣按察使遷
厥布政使庶故按察副使轄治廣西寇賊厥考曰成由典
史歷制按察副使死己巳金華葉賊之變景廟嘉厥忠義
乃命官官子魯厥祖曰本可厥高祖曰永泉而始于三十
六府君也惟公丞新會方弱冠廣右徃賊流劫盡雷廉高

肇以東之境破城殺吏戮掠人香山順德庶頑胥興效尤
黃賊晉響應晉劫殺無寧日公召父老于庭誓曰賊氣將
吞吾城若父兄能率若子弟送我以死守城邑保若家族
乎皆曰諾乃築厥塞堡與民守之中立以捍東西寇賊之
衝築輔城以衛厥城沒外溝以衛厥輔城布鐵蒺藜植刺
竹以衛厥溝人守厥土分殊死戰別寨分兵相援一邑之
勢如腹心相聯絡賊至不得犯父老咸曰吾等保妻子長
子孫皆陶丞之功云白沙陳先生記曰往年西寇之來憑
陵高涼以東破閩襲城勢如建瓴至此截然而止如虹霓
之收急雨由是吾民丘壘以完室家以安鷄犬以寧倉箱

以盈燕有歲時樂有賓客至于今各得其所者則誰之賜乎始者吾謂陶公曰孔子言忠信行篤敬雖蠻貊之邦行矣公練兵于暇日兵知其意如臂指知心惟所使之前向無敵兵行兵不與知調兵食運軍械卒先期封檄令至期乃發發則機動事備而人莫測如雷霆之至不及掩耳又多疑兵故東西多寡賊不知方與數而疑懼其心賊遁則戒兵勿進賊強備則急耻之其剛柔操縱在乎故賊遇之即殪殄又無能遁者嘗與公讌夜飲俄起如廁潛身鑰門出城僚友索之不知其出征也故賊雖置身目于左右其行神速不及知也功成而人多忌之其薦而稱道之者韓

公雍鄧公庭瓚劉公大夏也劉公大夏者與白沙先生為
友後為太子太保兵部尚書負天下重望者也其狀曰公
肇莅新會民尚梗化効黃蕭養所為結營寨肆雲以禍東
土公單騎指賊開諭禍福招為良民新興陽江陽春通賊
危困則率義勇保障民以安堵奉檄行兵親冒矢石屢破
賊巢一邑以安九載當滿去父母乞留擢知新會縣事陞
廣州府同知仍掌縣事民益用康風俗丕變總督兩廣都
憲韓公雍以公功上聞陞廣東按察僉事奉璽書整飭兵
備首建議請立總府于梧州統兩廣以制其喉舌霍詹事
曰百世之功也梧有帥府兩廣乃知兩臂以護胸腹而西

賊遂不東雷廉高聲民有寧宇又城吳川白沙先生曰昔寇盜
充斥于高涼百姓稟命于豺虎之林公專經畧大著討
賊之聲高涼以東之民倚公為命及築城之後民喜曰衛我者
生我勞我者惜我公大惠我我何敢忘又九年考最陞本司副
仍奉壘書專理戎務凡兩廣之地雷廉高聲潯梧荔浦府江田
州之賊剽掠毒害于西東者討而撫之諸賊仇公害已於是劫
其鬱林之廬焚其誥命毀其先塋害其族黨事聞于朝乃命
公徙籍于東廣公憤不顧家益勵其討賊之志又九載考最陞湖
廣按察使仍奉壘書理戎務於兩廣如前賜以金綺錫以誥
命榮其三陞湖廣布政使兼廣東按察使副使仍奉壘書撫治

兩廣公自丞至布政使凡平後山平恩平陽江平新寧白水平
潯梧荔浦府江田州諸凡斬首惡二萬一千四百有奇奪
回被虜人暨撫散向化人一十三萬七千有奇巡撫鄧公廷瓚
疏其功于朝且曰魯年將衰而恩信入人且深若得魯父
子相繼統領民兵其可請以世襲武階官其子荆民錦衣
左所百戶後以功陞千戶公恒言除寇賊化之為先殺之
不得已也故公平後山賊即請置從化縣遂建厥學平陽
江賊即修陽江縣奉平恩平賊即請置平恩縣遂修厥奉
修電白縣學平新寧白水即請置新寧縣遂建厥學修厓
山三忠詞以祀從征死戰諸民兵曰吾以化殘而勸之忠

義也於是民父老為思德之碑公沒三十年國子生何相
上言欲正公祀典于忠勇祠而允為忠勇者從祀為縣官
歲行禮公平生所理於其廬者白沙先生曰公之治民如治兵因應隨
之起敬而尽禮為白沙先生曰公之治民如治兵因應隨
機初無定體其治兵也如文士作文奇生筆端無事蹈襲
故能使人畏之而率以取勝此皆公精神心術之奧之運
云公生宣德甲寅十一月初五日卒弘治戊午八月十四
日享年六十有五配楊氏封宜人贈淑人繼陳氏封淑人
子三長即荆民淑人陳出次梁民次雍民皆側室出孫男
出於荆民者二曰鳳儀曰鳳翔塋番禺龍眼里鳳儀謁予

為墓道碑文予既嘉公功又嘉鳳儀職武而志於文卓有
令祖之風敬述所聞而撰次之其辭曰邈邈長沙厥裔伊
遐作牧八州分陰是嗟楚楚鬱林南北交森遂發忠烈死
死事蘭陰忠烈有子三廣是紀肇跡新會文武晏喜乃有
輔城乃有溝荆乃有分寨乃有援兵疇觸我蕃疇犯我邊
西東充斥我祗宴眠貳守廣州祗以攀番令行禁止用淳
化偷廣憲之僉亦陟湖廣載轄厥邦兵符悉兼誓言行師
機神如疑東西遐邇燕僚莫知雷廉高肇潯梧嘉浦府田
諸戎孰予敢侮兵將相知心指弗違所向無敵因應隨機
請開帥府于梧要道坐制兩省如磨交護運籌如神如士

士作文疾雷無迹竒生筆端公之長技長鎗是藝勿遂勿
放維以節制總于執頑二萬一千厥數六之奪虜化殘韓
公鄧公兩奏功公天子曰俞褒官以崇天子曰魯年衰而
老繫兵恩信宜官厥後百夫之長以延世賞有子荆民領
兵隨向天子曰噫賊讐爾西却廬焚誥先瑩以隨命籍于
東以避其鋒公用感憤以身從仇奉璽書三廣是都東西
底平湖南晏如予豈殺云化之皇仁普興學祠咸與維新
貽猷厥孫言行恂無忝爾祖在武亦文

浙江圖書館



浙江圖書館

故資善大夫福建左布政使蔣公墓誌銘

楊廷和撰

公諱雲漢字天章姓蔣氏世為重慶巴縣人大父諱友才
父諱福以公貴封戶部主事加大理知府母張氏累贈恭
人大理公精于醫有遘奇疾者每自遠舁至門求療公常
虛外舍居之親調七劑比愈乃去不責其報至今言醫者
稱之公以天順元年舉進士授戶部主事成化五年陞興
化知府丁母憂改大理府十九年擢貴州左叅政以父憂
去弘治元年改廣東未幾遷福建右布政尋轉左十年上
疏乞歸又明年其子恭自中書舍人轉吏部員外郎馳恩
進階正奉大夫正治卿十八年以尊號恩再進資善大

夫蓋優游林下者十餘年乃卒公在戶部時為尚書年公
富所知事有難處者必以屬之嘗監收畿內芻粟乾沒者
無所容乃揚言欲沮擊公所親或勸公少假借者公笑曰
我命在天豈此輩所能害也執不變繼往徐州監倉夜夢
白面大耳冠方巾者來見曰我薛公之神也贈汝劍設有
他虞擊之言已忽有鬼物擁隨公如其言擊之輒仆既覺
莫知所謂明日舟經濟寧下聞為急湍衝覆見者謂不可
救矣頃之公手擊舟底聲聞于外人趨救之舟即自正乃
知為神所祐其在興化政尚寬簡獨馭吏如束薪不少縱
後治大理亦如之大理徭役故無成法吏緣為奸貧民病

之公量其貧富為之等第因以授役輕重乃均春爇丁祭
頗用純裨公考訂儀式製祭器又延樂師教諸生肄習乃
成禮每遇水旱禱輒所至皆有惠澤及茂詳審精密寧其
身之不究于用而不欲愧于其心寧在我無赫之名而
不欲逐於近利廉介之操始終如一大理有鮑指揮者
嘗以寶玉首飾置合子中遺公公峻拒之鮑懇請曰即不
受盍一啟視乎公曰既不受奚視為後在福建大夫病革
移外寢偶為穿窬者盜白金若干又之外即捕獲皆廣東
輿隸之資名識具存人以此益信公之廉比致仕同官者
贖之辭又使人出境強之亦不可曰使可受何必踰境也

莆田陳郎中仁嘗建議謂如公之清節宜加寵異以示勸懲時雖未行其言識者韙之公天性孝友初自大理報政于朝會貴州缺叅政或以擬公輒又為公少之公曰吾父老矣往年吾母沒以官遠道不得親視含殮至今抱恨今得此於鄉近是吾願也吏部聞語驗即奏補之既抵任踰年奉表入賀因過家為壽自京師還又留兩月大理公卒公實在側人以為孝誠所感受二庶弟尤篤先世所遺田宅器物悉推與之曰某以竊祿可自給也居家訓子弟過嚴及待人溫厚有容不見人過行有不得於人亦不辯但求在我者而已無事則晝日端坐每讀一書終篇必掩

卷默誦務得其所以言之意首尾貫徹乃讀他他書晚年
尤喜學易聞其言者各有所得而退配黃氏有賢行累封
夫人子男四長恭舉進士為吏部郎中次從鄉進士次明
次聰皆治進士業女二人長適賈麒次適都指揮徐繼孫
男幾人弘仁弘義孫女幾人公卒於正德元年七月三十
日得年七月有三以年 月 日葬於某鄉之原恭聞
訃亟歸奉翰林學士劉君仁仲狀請予銘先是公往來京
師予以鄉後進獲從公遊公風範端凝動止閒雅即之令
人有鄙吝自消之意前年又嘗為文壽公謂鄉人於是得
典刑焉而今不可作矣銘其可辭銘曰 公之風節自

其始進峻發卽曹以長大郡乃叅行省乃登左轄歷階以
升亦莫我握惟不疾驅惠止一隅彼巧宦者謂公或迂誰
則不迂身死已笑公歛其餘以異諸子豈惟裕後亦惠其
鄉君子之澤渝水其長

浙江圖書

山東等處承宣布政使司右布政使止軒夏公傳

邑人顧清撰

夏寅字時正後改字正夫華亭人幼而岐嶷有巨人志日記
數百言稍長益肆力於學正統戊辰擢進士景泰初除南
京吏部主事日取羣經及百家言讀之久之發為文章
淵閑奧密脫去流俗自成一機杼殷稱蔚然由稽勲郎中
拜江西按察副使專董學政其教以崇實學黜浮華為本知
人善鑒士經其賞拔者後多知名復文山祠葺白鹿書院
脩陶侃讀書臺以風厲後學江西人至今稱之陞浙江右叅
政處州民有苦虐政走聚山谷者招之不聽曰須夏叅政

來乃可寅檄至既散還其家丙午進山東右布政敬簡以
容愛民節用有屬以與作者不聽曰勞而不怨斯可私治
戊申二月卒年六十六寅平居以諸葛武侯范文正公文
天祥自期待留心當世聞朝廷政令善喜形于色或有他
則不憚終日嘗疏論國家之勢在離合合則安離則土崩
今兩京並建其勢宜常合以制天下徐州地連山東饑饉
無聊宜在賑卹臨清乃南北咽喉或暫梗為害不小宜
選大臣有望實者鎮守二邦訓安屯田示天下形勢廷議
是之為出白金四萬兩賑徐州命都御史賈俊鎮臨清
吳中旱飢有司莫以告寅投書巡撫發廩二十萬石三吳

拜獲以濟他所論列若文廟禮樂之數正風俗立紀綱崇
文化作人材之類皆切於政本雖不盡用識者韙之平生
誠心直道無黨無援自筮仕為郎二十年為副使十六年
未嘗以淹屈降志嘗謂人有三可惜此生不學可惜此日
聞過可惜此身一敗可惜世以為名言所著有紀行集備
遺錄政監東游錄史詠等並行于時

浙江

浙江圖書館



浙江圖書館

廣西左布政使龐公墓志銘

公諱泮字原化別號芹齋由縣學生中成化丁酉鄉試既而連丁內外艱服解登甲辰二甲進士第簡授工科給事中稍迂刑科都給事中公在諫司久而又事無不言扶理善類五沮格幸進一斥賤異教妄術三笑傷二節罷好玩二戚里一出身與中官為敵怨二凡十有六疏可考悉有頭尾每一疏入衆邀邀危公是外雖長貳皆以為可不必要言者公自不能止若責獨在我又如論駁反活及一事聯名為副從尚多未計所幸遭遇

先帝仁明間多報可即有未合亦不過詔獄一旨戊午陞

福建右叅政近年大理之貳以待科道之次者公兩擬
大理丞于兩京皆無成福建亦再上乃得公在閩分守漳
泉興福先是福安庫縣被掠縣官利在得盜雜捕平民二
十日斃之趣公及至治者三人權其罪盡絀知縣丞簿既
而才力搃督糧事辛酉議入覲李布政適病死公次當
行檢李篋中得銀一千四百兩辭不取曰朝覲人事書一
部足矣宋儒黃勉齋故宅為中貴香火院公訪得毀之改
彌陀堂為彌高祀勉齋士論快之壬戌補河南右布政使
首革鎮守太監劉瑯及馬尚書家私役錢銀以兩計日省
三四十駕帖取洛陽牡丹䟽請罷之司禮太監李榮索取

古銅器鏡物公曰土產官之民民無應則累及塚墓卒不
與甲子轉左廣西未幾思思土官有為叛謀調發旁午及
其成績公實一書諭止之於是近省夷僚以空城為意亦
恃公得無事乙丑因病歸御史何道亨給事中戴保之等
交章留公公實不顧也既歸詩酒親舊十有二年而卒丙
子十二月十九日也得年六十有七其先襄陽德公之裔
至隨有諱玉者仕唐為總管十三世曰正己宋大中祥符
間為天台尉遂家焉高祖百靜號石湖居士曾祖叔圭有
士行洪武中辟不起祖諱瑞父諱計父以公貴贈工科給
事中母烏岡曹氏贈太孺人聚泉井蔣氏有淑行先卒塋

贈孺人繼李氏子男一曰櫟縣學生克承其家女二俱適外
家孫男二曰蓀曰護公平居坦易遇事振發斬絕不為左右顧
視分所當行貪若嗜欲挈利害而趨之不可扼挽否者公寧
詎不足為大理丞又其才但可為布政而止雖然吾為公不
願易也公鏗從祖母之姪自少執師於外歲卒客食姑
母家以此之故予兩人益狎焉予年十七八纔亦少知趨向
口不為常兒語嘗為公舉前人之言曰秦檜秉政三十年
只成就得一箇胡邦衡言意詭好公於是滋領味曰吾輩
耳中不可無此等論議夫言必先有之不然安望其相入
如此也乃今日益驗公卒之明年櫟卜以其月某日合塋公

于縣西芝山之原手錄分歷官行實請銘墓中予不得辭公
嘗評吾文曰如我所見子之文比於韓柳氏更若理到雖屬
推許過實要為不薄吾文也况櫟又以為言銘固吾責也公在
官手不離卷帙發為詩文視其為人諫垣薇垣歸田三稿寵
嘉錄名臣論略若干卷藏於家或曰前所舉要十六疏者若又出
其姓名指列某事以為後信可乎予曰得暢御史亨與淞江鎮
守張太監訐奏一山東副使楊茂元言觸時忌幾死二刑部
郎中丁哲斷事橫下詔獄三武崗知州劉遜見構藩府四
中官何文鼎言家法忤旨五威寧伯王越營求再入六戒璇
秉轡七濫度八燒丹禁中九京師大水十陝西旱乾十一內

監請倫元宵燈料十二傳奉取銅鼓匠十三侯伯周或張
鶴齡縱奴殺人十四論置蔣琮於法十五數李廣十死十
六當暢張構訐時適有知名已沒大臣視事兩游反若有助
張者并出之非止以見公之難亦使居位者知謹於未死
之前嗚呼有如公者誠不敢不表而益著之銘曰

志則難有舉世嗜一蹇一匪躬臣實以之若鉅臣心山石
可移虎豹食牛視其兒時所之矯一亦有自持公一不少氣
隘

殿墀喘一不夫便汗弗支石不能言我為之詞百世而下銘
公者誰

明故通奉大夫浙江左布政使李公墓誌銘

浙江左布政李公惟誠與其弟兵部侍郎公惟正俱與子厚公以正德七年四月二十七日卒于家惟正遣其子厚道訃予且以事狀來屬銘其墓又未有以應也且塋數遣人來速銘辭甚哀乃按狀而叙之公諱贊惟誠字也本唐西平忠武王晟之裔忠武子憲節守嶺南節度子游刺袁州遂家宜春後徙吉水谷村曾大父子敏又徙蕪湖至今爲蕪湖人大夫諱廷復父諱永諸暨訓導號恒齋俱贈通議大夫都察院右副都御史母蕭氏贈淑人恒齋任諸暨時留伯子貴治家事携公與惟正隨遣就外傳又蚤慕親

爲之講說開譬俾知所趨向聞語之曰汝伯兄才可決科乃不利于有司是亦命也汝輩其勉之以成父兄之志已乃先後爲縣諸生成化十六年同舉于鄉二十年同舉進士俱在高等明年公授吏部文選主事尚書王端毅公侍郎張莊簡公楊文懿公皆器之遷考功員外郎持節冊封岷府使道省蕭淑人于家未幾丁淑人憂服除改兵部武選員外郎轉車駕郎中尤爲尚書馬端蕭公所知時順天府民地多爲勢豪所有而養馬則計丁口坐是重困焉公言于朝委公理之公盡力勾稽覆奏勢家與貧民類以百畝爲率五十畝納租其半養馬不足則取他戶補截調停得

宜民甚宜之尋改武選郎中弘治十三年 孝皇簡任方

岳 命大臣各舉其屬馬公首以公薦遂擢陝西左叅政
攝司事監鄉試清戎任賑荒歎多所興革晉浙江右布政
使再轉左浙藩故多吏斃廉得其尤者數人寘之法衆皆
悚然居久之吏人終以不得售其奸爲憾乃相與謀傾公
正德二年夏五月一夕吏解火作蓋皆吏輩爲之將延于
堂堂多上供歲幣公長跪籲禱風回火息杭人驚異是年
鄉試故事左布政當入院司事佐二者攝之吏晉或因緣
爲奸公乃辭不入院悉心經理以給院事一洗宿弊民用
不擾歲旱蠲逋負發公廩賑之冒暑行縣存問疾苦疫死

者令所司給之。樽斂會逆，瑾擅政，沒入錢都御史家中。監追拷酷甚，公憐其非辜，百方勸諭，位下如雨中。監亦稍感。從恕瑾聞之，怒曰：「我將舉法，李布政乃欲市恩邪？」四年吏部擬遷公大僕，卿瑾勒令致仕。杭民遮道泣送，留靴以為遺愛。歸家，瑾靈焰益熾，恒凜凜懼。及明年瑾敗，乃釋然。日檢尋舊業，以畢餘力。斥所藏以濟親舊之貧，磨石為小碑，數十將歸掃谷村先塋，識累世履歷，刻之墓上，以示後人。乃不得副其志。以卒伯兄歛之，盡禮。公娶常氏，封宜人。側室孫氏無子，以惟正次子原性為後。女四：長適序班陶春，次適監生張漢，次適庠生陶銳，次適金士賢。公生于年月

春歿以卒之年月日祔塋恒齋公墓左公資性穎異學本
經術能深造為政篤于教化不高刑罰在浙因俗為教尤
以敦本實節浮費為先務與人交有終始坦夷洞達不設
城府事有難處寧損己益人無所係吝或見侮者以禮遇
之亦不與較書善行草江南人家多愛重之詩文清雅冲
澹類其為人有平軒集若干藏于家平軒者其所自為號
也惟正少公三歲平生出處大畧相同公既仕惟正亦
見擯廢既而惟正召起復用衆於公亦有望焉而竟至不
起其卒也惟正方巡撫畿內亟上疏乞歸視其葬會有
兵部之轉未得請乃遣原道歸佐其伯兄襄事予為之銘

亦以塞惟正之哀云銘曰
吾父之業傳我弟昆同以致
用是謂專門吾弟之子吾父之孫取以後我是亦天倫從
先大夫有峨其墳我作銘詩慰公九原

楊廷和撰

浙江圖書

故福建布政使司左布政使華公神道

邵寶

正德辛巳冬十二月十二日福建左布政使華公以病卒於家先是秋八月公以上初嗣大統奉表朝京師稱賀十一月還過家上冢啟行而病三日大病又明年嘉靖癸未春三月十又一日其子琢琢等葬公于分龍之新阡惟著令神道有碑乃以公諸孫進士子宣所為狀請文於寶按狀公諱景字文光別號梅心更號雙梧居士其先本春秣宋鄉族散處四方其居無錫者蓋遠矣在南齊有孝子竇者其族之望也宋有曰榮者以仕居汴至其曾孫

原泉當南渡時始復居錫之隆亨勝國時友聞提領州稅
璞辟晉冀屯田總管鉉為都功德使司都事皆未顯若功
德之子幼武鄉稱栖碧先生先生之子宗鞞鞞子興叔叔
子宗隆則皆隱而望與鄉焉蓋自宗鞞徒鷺湖三世而業
益盛宗隆之子封戶科給事中聽泉翁守莊娶楊孺人
而生公實始以文科進封及父母位至二品蓋前此未
之有也公性嚴簡卓犖器識凝重弱冠入邑庠即謂天下
無難事敏而力學初講業放長史淡成楊先生繼聞今致
政少傳守溪王公以翰林編修居憂洞庭山中遂與錢郎
中世恩過太湖即其墓廬而學焉凡二三年文譽益起學

亦滋博弘治壬子發解南畿越三年丙辰試禮闈得魁選
既賜進士改翰林庶吉士每閣試輒為大學士宜興徐公
學士四明楊公所稱許然同輩亦不能無忌徐公既致政
公當授官得戶科給事中慨然曰吾於是得言天下事矣
會己未會試主司有起物議者公奮然曰此而不言尚何
待乎遂入劾疏 詔付干理乃并逮公言官楊方震林粹
夫輩力為公救而 廷議亦多歸公 孝廟知公直諒而
重於 國體既免所劾者官亦遷公南京太僕寺簿去國
之日贈言者若十人有擬之唐子方者公至滁陽首去輸
馬踰期之罰又禁隸卒勿新于琅琊山麓歸新于僧以名

遊客有屬吏詭常例以賂公公法而戍之滇南曰吾其以
懲官邪公假課諸生以經學皆謂得師三載遷寺丞又三
載擢守韶州先是至京師或勸謁執政可得異擢公謝
之比至詔徭襍民居郡境者輦持一器果來謁公諭之曰
我無汝煩汝無我梗汝耕我牛且汝種穀貿易無汝禁輦
受一果遣之欣躍而退有怙終者必置之法諸洞帖服時
會府征樂昌檄調韶兵萬人與狼兵俱公點遣如數帕首
以赭自殊於狼臺司見之嘆曰華其文吏不虞其知武如
此諸生講課一如在滌時科目久虛至是乃有人焉人歸
公功歲久旱公禱而雨君子謂其祝文有古文遺意癸酉

供職鄉闈實兼校文蓋巡按御史衡陽王君昊徵之曰是
論科場弊者可以為重矣徹棘得解元黃佐人歸公識丁
外艱歸棄堂食不取凡若千金事見去思碑未幾擢貴州
叅政服闋改四川會 詔取大木公率衆入梓潼諸山或
以險沮之公曰 君命也不聽適驟雨至笠而立者越宿
群木浮澗而出人歸公誠分守西川守溝內臣欲通茶於
番以規私利匪金餽公公怒而却之茶議遂寢歲丙子御
試又稱得人郡守有之而不受德君子曰古入之道也遷
福建右布政使於是軍士以食缺唱譁群情洶々公至曰
食缺之故吾知之矣支不折食固不缺議請于 朝而更

之群譁乃定復梓行八郡均徵之籍以杜後弊清戎之政
故屬藩右率以官重弗躬公曰國事有大於此者乎遂
親歷八郡無弗至者歲己卯鄉試又稱得人賊彬竊柄要
賂諸藩脇以奇禍公不為動彬校入境處去踰年進今官
方將有所罷行而皆未之遂也惜哉公孝於父母支于其
兄在官如家逾耆不忘其初尊師親友始終無間予與君
有鼓篋之義公之初歸晉會錫山驛執手語平生傾寫肝
膽至於垂泣蓋疇昔款洽未有若斯者也豈公將屬吾銘
邪公生于天順己卯十二月之晦年六十有三配朱氏繼
惠氏贈封皆孺人子男四人長琨先卒次郎琢太學生

次即球次珩女二人長適江陰郭讓次適鄒燾孫男一人
蜀信文孫一人所著有雙梧集若干卷銘曰 孝考嗣
憲如舜承堯達總明目即賢滿 朝公在諫垣出自中秘
有懷輒陳為 國訃必矧茲賢階天下為公厥或誣上臣
實是恫惟直動 天震威藐藐凡都人士乃罔不悵 帝
意王公南司牧人公拜稽首惟 帝之仁牧規既申群尔
南服扁舟兩童矣作民福乃叅乃伯既西而南如疾在躬
惟彼肆貪人亦有言麟祥虎猛公令軒軒公心耿耿漢有
戇汲亦有孤唐公念斯人曰篤不忘孰矜能廉孰斷能果
公隧有碑千載筆我



浙江圖書館

福建右布政使吳公傳文

鄭曉撰

先生姓吳氏諱昂字德翼居白苧溪上別號南溪學者稱
為南溪先生先生上世自勾餘徙海鹽五世而生先生先
生父贈君寬母鄭安人安人少寡秉節教先生先生喪父
時纔六歲端穎不凡出就外傳即知嗜學習禮大父括菴
翁遣學於雲谷雲谷顧諸生中獨吳生沉潛力學善問大
奇之吳生益博誦經史及宋四子書嘆曰學莫先於主敬
名其讀書處曰敬齋成化乙巳年十六入邑庠弘治甲子
舉於鄉明年成進士是冬授宜城知縣宜城人弗善耕織

先生教之解耕織宜城人喜曰吳公衣食我邑當孔道先生清約有名賓至歛戢不敢動館人宜城邑謂先生廉靜務休息暮年乎洽村社中皆尸祝吳公正德丁卯更新建新建治江西會城當是時寧庶人驕索租甚橫民不堪結寨丁家山拒庶人諸大吏劫庶人積威低頭不敢出穀庶人曰新建人反諸大吏亦曰反先生獨抗言新建人非反者特畏死相救知縣當以法諭令解散輒以反名不可諸大吏乃曰必吳知縣堪任此責者先生即辭庶人入丁家山呼父老至皆頓首伏地惟公命先生曰王蠲爾租爾焚爾寨否且以反聞殺無赦諸父老頓首聽命去庶人聞之

顧不喜曰吳知縣令人旅拒我也歲大饑官無儲粟先生
立抽補法賑贍全活幾萬人戊辰華林盜起先生日夜調
兵餉事集而人不擾竟以勞致青左目新建本劇邑難治
又時多故先生練習吏事軫念民瘼揮斤遊刃不屑顧忌
新建人戴之深於宜城明年陞南京刑部主事廣東司先
生平恕明法比庭無捕獄會有富人麗法善通賄賄入司
寇家且曲斷先生持不可司寇不悅先生請告歸歸六年
起為武選員外郎南京己卯陞雲南按察僉事明年乞致
仕養母改福建閩中人素知先生迨至益勤約近民民士
胥說以故先生得益展其才志福寧有訟妻殺夫者詞証

不相佐輒坐妻死先生閱獄疑之禱於神夢一小兒據人
腹先生不能解百方踪跡殺人者或告曰鄉有杜福子者
嘗與其夫合資行賈其夫死福子家乃驟饒先生曰小兒
據人腹非杜福子耶神告我矣密遣邏卒縛福子至一訊
而服妻得不死先生神明之譽著於八閩人皆呼吳青天士
午古田殲盜起先生發兵躡捕獲魁周馬良散其黨去癸
未再疏乞致仕養母是冬陞山東按察司副使兵備淮
楊治徐州未上明年致仕又明年母卒喪葬如禮戊子家
拜山東按察司副使仍蒞徐州時江淮饑先生請曹臺賑
議且上陞福建叅政當是時桂文襄公驟入吏部為尚

書感上息日夜訪人才魏莊渠歐陽恭簡力薦先生故先生
至徐僅逾十旬遂擢八閩閩士民間之又喜吳青天復來
庚寅候官因逸出殘方面是日先生以括蒼翁忌素服齋
居諸因亦相戒無害吳青天君子曰先生孝慈之效也明
年進右布政使出納清允府史不能為奸利同事人忌先
生異已出羨金饋先生却不受同事人益媿有後言明年
六月雷震譙樓先生曰閩災也罪在官長吾備位方伯閩
長官也敢不劾咎即日工疏請老疏三上始得致仕先生
歸攜圖書數卷閩士民嘆慕攀援設供帳祖道者幾萬人
所過山谷中父老攜進茶果泣曰公忍遽舍我輩去耶

夫藩臬官尊不親民迺其民懽戴至此此其純心善政足
人聽聞非一朝一夕之故矣先生歸溪上居故廬力耕數
年稍積田穀構萬卷樓積古今書日坐樓中遠覽旁搜贊
幽詮謬契悟既深率履尤篤若乃國朝文獻時政緩急循
輒更茲咸有條理既老而傳胤子緒克家朴約自好先生
時時扁舟訪舊道古規今由然終日或徒步市井混跡漁
農怡色坦懷賢愚忻附驕風悍習為之一變丙申海潮逾
隄漂民田廬上下官司交相蒙蔽禍棘民嗷勢不得已苟
且興役增卑補薄應故具文輒稱功樹石謂可百年無事
曾未逾時潮患益急功力蕩費轉展歲時耕牧並廢先生

上疏乞專勅京朝官一人鳩工繕治始下江東撫臺議督
水利僉憲黃公光昇經理出入兩載工乃孰緒屹然保障
邑永賴焉己亥歐陽公特疏薦起先生先生不肯起是歲
大饑先生緘救荒活民書請賑上官不答癸卯甲辰又大
饑先生再上書又不答是時吾邑人死徙轉粥去者不知
幾萬人盜賊公行殺人莫敢誰何先生嘆曰荒且亂矣不
如無生獨抱隱憂因而感疾龍蛇之交忽焉長逝嗚呼惜
哉先生天性孝友痛贈君早世歲時饗詞拜跪涕洟事節
夫人尤極愛敬溫衾清枕至老不衰念祖睦族濟匱恤孤
恩義周洽九族敦叙又能表異忠幽崇護賢達方洲墟墓

松楸鬱然巽隱文章流傳海內皆先生力也先生讀書主
宋儒說傳以漢唐注疏近世學術心嘗疑之每曰毫釐千
里可不慎乎晚年好觀周禮疑後儒亂經乃參訂諸說附
以己見著為成書名周禮音釋三年凡四脫稿見諸行事
文不在茲乎嗚呼先生懿質淳衷清心寡慾克之間學涇
養深厚故能出處輝朗始終令蜀譽流鄉曲望隆朝野云
誅德考行宜受大名執友門生共薦嘉謚或曰文懿或曰
文恭或曰文靖叅政平湖趙公嘆曰禮無私謚南溪效法
程朱師尊孔孟新學日頌卓有定見宜稱曰崇正先生論
曰余讀名臣錄中有兩方伯天台陳公華亭夏公皆人傑

也先生學行純固如天台先幾明哲如華亭而安貞履順
歟華孰實先生无不可及矣

浙江圖書館

珠珍錄



浙江圖書館

中奉大夫致湖廣右布政使事瓊山方公墓誌銘

林俊

公諱守字宜約號省菴既致布政事舊業日落僉于里富人為常人曰二品官如是耶傳為笑世無義大夫予念公不能助也作憐白頭寄之事頗聞甫二庠士言之巡按監察銜史宗君彞授 詔例給廩又給田薦之 朝未報公疾作強力序族譜以不及置義為恨比巫語其子曰送老矣多讀書力了責交遊見素念我不及為別致吾意焉弘治甲子四月十八日卒日也生正統丙辰六月六日沈裕雋永童卯即老成為宮保陳康懿公所知遠大屬焉景泰

祭酉年十八領鄉薦又十七年第進士為戶部主事轉負
外郎再轉而為郎中佩 璽書提督薊永山海延寧邊備

錢穀出入步汙公獨不汙提督例一行效陞堂上官公再
行僅陞雲南叅政部之長不能平以問王太宰介庵荅曰
謂不知方耶雲南措萬里荒外官解弛魚肉其民夷故用
楊巡撫林憲副今又用方將更化于是謂繼宗及予也公
在雲南與予同事金滄又同事司印予率直公濟以靜重
以奉宣 今天子無外之仁更紀其政人始知有避趨要
人歲入損十八而餘賊歛執輕盜賊衰止故官之妻子脫
流寓歸若籍者數十家所在父老覩天日為快磨乃夷納

流人萬人鑿銀礦弱肉強食為邊夷患先事隱之予二人
榜許首實人得活路散患解除利輸幾五千兩城趙州橋
下閔隋學立堡賴焉孟密夷叛故主木邦當道右之孟密
大縱木邦危如綫撫勅之責付予二人時干厓怕愈奪印
芒市放且放彬爭官讎殺連數年官無何直夷視為玩予
二人謀曰講自近始蓋實非專責也榜示之群酋畏感縛
怕愈出印以獻放且放彬囚首伏罪於是刻漢緬書小榜
遍給諸夷諭以順逆禍福附者解體孟密勢轉孤悉還故
所侵地夷言曰事始如是奚至有今瘴作軫旋丹往遂定
諸夷不羊事輒從求直無是也隴川夷見頗習中國語製

儒巾衣擇漢人教之風隨還今學立焉每歸夷官屬火仇
數千走送或問之曰嚮撫夷至鷄犬不寧今官兵不敢近
吾家是以遠送羅拜而別大司馬馬廉實以聞文告之
諸司為勸王大率示錄名于屏風謂公第進士憲曰是而
兄與林憲副齊名雲南者也巨璫作金寶玩具極工織未
進而卒予二人議別其贖範其金輸之庫事雖弗諧迨直
其議賓居賊發公往征部分固整一夜營中驚卧處而靜
由是僚佐服公遠畧筭授功成凱旋議立州衛許之是時
少司馬王公詔繼巡撫大司馬韓公文繼左轄巡按潘臬
並時廉聲雲雨有新換一番官之謠士子之冬木邦復仇

為孟密所用公往又定思揲親孺師然深入歲數瘴毒所
中耳目寢失清予既更繁湖南公亦來為右轄官所心迹
無不具知者公繼母喪釋禫貧不可支親舊強以起至臨
清疾家作遂致其政方出長史禮部尚書珣之後徙瓊山
學錄康也曾祖積善祖夢周父休徵有隱行累贈戶部員
外郎妣王贈太宜人公和柔孝謹方上春官太宜人微恙
即解裝侍藥久之果不起負外訓以廉慎之詩昕夕佩誦
聲色澹若不立媵婢兄弟族里非甚擴戾無不加容納鄭
山之藏族惠感之讓也問學經義尤精嘗提調試公閱詩
雲南與主司連合十二卷其後稍叅伍率在取列素所指授副

史吳君昭兼事林君樞周君信尤顯者也近綏嚮馬盜至
從者惟怯公聲曰吾方郎中也盜引去方議事城戍報急
鎮巡錯愕公曰第先之虜驚遁平居若無能為其應猝計
類此配宜人蔡氏道濱希韓之女性量宏敞在薊州能叱
私謁在黃田正容祝天能回風裊舟不沒能不事生財法
仁施而羨守以居於貧生卒皆先一年皆六十九葬之費
則後言之方伯陳公珂少叅徐公貞郡守陳公郊郡貳淡
公經相成者也憲為知縣先卒宿負如公妻子告不給清
白家法然執子者娶王之娶黃繼娶林彥郡庠生娶俞女
適吳祥黃溥王寧孫僑娶程介聘朱任尚幼塋以季冬

某日子不能評隘公其貧如是其安如是是可知矣似續
聯穎天之道亦將然乎銘曰
維食勞公美且多維蓄
有公大且又惡乎貧我公古人計非左財多基廼罷無
歸匪公者誰杵不相無從奚慙士之觀敦薄廉頑

浙江圖



浙江圖書館

明中奉大夫浙江布政使司右布政使三渠陳公

墓誌銘

林俊

陳公子居諱仁三渠因其有自號也錦墩揖壺山為勝猶
歷孟庸允德贈郎中舜衡甫以鍾發于公一時群從第進
士成化戊戌庶吉士邦瑞公始之丁未公繼之己未今憲
副邦器公又繼之初公在諸生與陳大叅寒月猶二陳寒
月得之敏公矯情為勤資深而輔之博為任提學獨賞果
發解首寒月名第二為進士為戶部主事採輯實錄東廣
督軍餉淮南兩以郎中吳宜人憂讀禮廬次引渠鑿釜池與
鄉族同其利示選定以為習先再為主事為真外郎郎中

畢力問學作古文詞自副而國計明習不腐不漏不啗嘿
自容隨俗養交取巧化大僚大章奏多出其手闕里災
公䟽重循省闕異端抑奔競禁奢侈振士風收人心端教
化正風俗禮部災䟽早朝勤政審決章奏訓養東宮進君
子退小人節齋醮嚴備邊又䟽雪冤獄紓忠憤罷江南織
造復御史彭程官給事中林廷玉補外勿遺又䟽致仕布
政使林同蔣雲漢方守知府潘琴宜優異妖僧領占竹園
緣內降宜勿取陝西守臣進古璽又䟽其偽且謂果秦璽
亦亡國廢物宜毀勿留皆闕切時諱朝紳為動容 孝廟
多所嘉納今 上初司徒韓公文倡伏闕請誅屢闕鼓怒

逆瑾中之力文致公公誤落三官并落鞶以去公同知鈞
州再知汝州轉南京兵部員外郎掌其武學方是時政如
束濕諸司易守為全身遠害之計公委而任之以無失故
常瑾誅起游江提學按察副史權量精審公案手自披閱
不及吏積勞成損轉為其藩叅政疾已作尋起尋復既之
哭內氏李宜人又復疏乞休致吏部錄賢勞擬進其藩右
布政使致仕 命下公卒己彌月正德甲戌三月十七日
也上去甲戌壽六十一季先二年生亦先一年以卒十月
二十二日也公謹質沉永事郎中吳宜人甚孝于物無競
而分義時嚴不欲涉事累以分所學齊家衆督耕傭節縮

諸費以倍取殷裕皆屬之李成子懋即進士嫁其翁憲即
方負二女抱育大夏大序大節三孫與四孫女李與為力
予重愛士每臨文歌異與聞論列之大致心與之牙頰吹
鼓忘其跡之疏負胃監還省父方伯公于蜀取道于浙也
具書屬意偕謝良勤公炳炳然世責榮念景仁不起居實
終于位仕處殆有然者懋治瀨溪瑩成以丁丑某月某日
奉二柩以葬以鄭君山齋狀請銘讀之終篇又得三渠稿
天津志閱之盡同聲落落有餘慨焉銘曰 昔在 孝皇
于闢四聰公起版曹允茲素忠竒請匪極庖漏胡繼弗善
為同時乃邦計有學有仕有騰厥聲曠時來賢抑邦之禎

黨禁于嚴沃茲首領弗震弗搖徐觀厥定靈淑百祀繫公
其完遽挈而還瘞玉雙所碧峯戡戡鳴和並舉言集于梧
庸告孫子

浙江圖書館

浙江圖書館

明故福建布政使致仕進階資善大夫澤西杭公墓表

於乎是惟澤西先生之墓甘泉子表之澤西先生者故福建布政使致仕進階資善大夫杭公濟世鄉也都憲雙溪公淮之兄太學生封之考也始祖曰邦愷自宜與東霞埠來隄百瀆里曾祖曰敏祖曰徵考曰倫倫以公封稽勳主事妣曰王氏贈太安人厥弟惟五曰淮瀾瀾洵津厥生景泰壬申正月八日厥卒嘉靖甲午閏二月八日厥壽八十有三厥配封安人王氏厥子惟封厥墓附鳳凰山祖塋之原厥曰惟乙未鵬月十六封學於甘泉子志行能世其家

者也封以莖事來告表甘泉子以戒文辭之再三諾焉表
之曰曷考信哉信子封以其執友古庵黃門憲之狀也其
狀何如曰公夙穎異十歲能詩塾師驚曰他日必大執長
益超悟奉日淵粹試必冠於庠生主試屢嘉焉壬子膺鄉
薦癸丑甲科諸老先生曰其遠矣遠矣請聞其再曰初筮
稽勲主事裁節部糧清稽黃務塚宰屠公曰才美進副考
功協恭同寅考覈臧否堂尊曰允請聞其三曰甫正稽勲
以親乞歸暮夜千金峻拒鄉人曰吾寧愛此尤物耶吾寧
忍撓吾素知者之法耶君子曰廉矣請聞其四曰既遷副
使督學于閩崇雅黜浮士習丕變爰署司篆情法兼得庭

无繫囚撫按交薦之曰能矣當軸銜之抑不以聞稍轉右
叅提調秋試多拔名士漳賊方興督餉進征往來彌歲預
遏賊謀以克底平人曰誠哉賢矣能矣請聞其五曰分守
邵武民大和會戴之如父左叅河南分守南陽地濱湖襄
流民豪梗開示禮法部斷无滯執法以抗藩王曰殿下
不宜以纒殺人叅政不能以殺人媚殿下曲白釋之尋轉
右轄簡省徭賦民以不擾君子曰仁矣惠矣請聞其六曰
堅疏乞休拂衣而歸兩遇推恩進階資善大夫歛迹丘
園罕入城邑鄭御史慕閩舊知也覓見不得餽金不受嘗
諭子封曰人顯達即聲色甲第游佃是好我寧有是耶古

菴子曰其清德雅操足敦薄俗矣請聞其七曰制行立身
事親色養得一甘旨必進焉而後食花晨月夕與弟五人
觴咏湖山即席聯句怡怡如也宗族敦睦義塾是訓婚姻
喪葬有助不給君子曰敦孝友矣請聞其八曰卒之前日
偕弟渡頭花下聯詩飲酒盡歡而罷期游蓼莪明曉攬衣
撫床問霽否囑治具忽噤而逝君子以為善正終矣甘泉
子曰吾觀於狀而知杭氏之德其盛矣乎夫達德之基也
才德之幹也允德之信也廉德之辨也能德之固也仁德
之惠也清德之操也孝友德之順也正德終也達以基用
才以幹事允以信道廉以辨義能以固志仁以惠物清以

操已孝友以順親正以終命君子有比九德者可與爲世
表矣遂表于墓以告來裔嘉靖
未十月初一日

浙江圖書館

浙江



浙江圖書館

陝西布政司右布政使孟公墓誌銘

麟

皇上自興廊入正大寶剗宿弊溥鳴息起群英一新庶
理是時曲阜孟公西野以福建右叅政致政家居奉詔
復陝西右布政使公感

聖明之復作也疏言二十事曰端聖學曰任輔臣曰最大
臣曰選諫員曰信詔令曰順時序曰隆儉德曰遵律條曰
省工役曰黜貪殘曰崇褒賜曰敦師儒曰重撫按曰慎守
令曰必細微曰飭靖節曰詰兵戎曰久將令曰儲倉廩曰
禦盜賊明遠剗切多見採行衆於是知公之可用者未盡
用而又冀公之復用未幾公竟以疾終於家嗚呼惜或公

諱麟字瑞魯別號西野姓孟氏其先自揚州徙曲阜婚於臧氏因姓焉至公弟司寇公始復其姓曾祖諱彥實祖諱貞隱德弗輝考諱紀儒學訓導學者稱樂山先生以公貴屢贈工部主事員外郎妣李氏贈安人加宜人後以司寇考洎祖皆贈通議大夫都察院右副都御史妣洎祖母楊氏皆贈淑人有姪樂山公得竒夢有金果玉柱之語彌月公與司寇公同薦以生資疑重性開爽早克自樹為文辭下筆滾滾見者竒之癸卯領鄉薦甲辰登進士第授工部都水司主事監稅餘杭衆稱廉平轉營繕司員外郎又陞郎中督修益王府第計公費同事者斂手受成歸視司事

規畫有方貪商猾匠計無所逞丁內艱服闋改都水司提
督南直隸水利奏興水利六事於九侵河防占官湖者痛
懲以法勢家不便陰為之謀孽改虞衡司在部凡若干年
始終一節兩膺勅命由承德郎晉奉直大夫以資望擢
山西右叅政競競効職再擢陝西右布政使以前任勘鹽
事遷浙江按察使副轉福建右叅政巡屬督道頑者為
梗噐者和之故公致其事以歸今十年矣公居官清慎委
身許國策以方直忤時未完於用家居孝友耽經史所著
述平淡有理趣推以教人多成就者娶陳氏封安人子男
三女二生以景泰丙子十月十三日卒以嘉靖甲申七月

二十三日享年六十有八將以是年十月十三日塋於某
原先塋之次司寇公述事狀俾予為之銘王少從闕里諸
舅遊則聞公昆弟始生之祥長從縉紳後及見公昆弟宦
業之盛正德己卯迤 駕淮上天見司寇承康陵顧問首
及同產之事及詢公仕之祥蓋公之名著於天下而聞於
朝廷久矣可不謂盛哉故撫事伏次序之係之銘曰
岱宗邇繹凌重坤左汶右泗雙流奔囂昌瑞世生慶門一
苞二榦同厥根伯公先第揚休芬司空藩省職孔殷誰哉
尼之道豈也明作休後來 湛息嘉謨洋洋副所聞命則
已矣心恒存季公索銘義所敦幽光千禩貽後昆

河南等處承宣布政使司左布政使柳塘楊公墓

誌銘

無錫邵寶撰

正德癸酉冬十二月三日河南左布政使楊君名父以八
觀北行卒於衛輝之驛舍汝府陳長史某以其介子孫辰
殮其家子國子生孫元自京師奔至奉其喪歸奉京兆楊
公方震狀來請銘予知君文比又得君之詳於其姻友都
御史魏公士華近聞君調江西說者謂將遂以君撫巡予
日計君南來而不意其至是也嗚乎惜哉君諱子器名父
其字別號柳塘世為慈溪人唐宋來代有顯者至君高祖
彥良曾祖斗瞻祖佶皆隱以終父祿字履翁號石田以儒

醫名累贈吏部員外郎母張氏累封太宜人君舉浙省成
化丙午經魁明年丁未登進士除知崑山縣以石田憂去
弘治甲寅起復知山西之高平二年調常熟又二年考
最進階文林郎受贈封典尋以風憲召補考功主事正德丙
寅轉驗封員外郎以詔加贈封之恩尋陞郎中又四年遷
湖廣右叅議尋轉福建提學按察副使一年轉河南右叅
政尋進右布政使是歲以湖廣彬桂功受白金文綺之賜
尋轉今官以卒歷中外若干年年五十六君生有異質志
高而銳於學功八邑庠都御史白洲李公以按察副使學
兩浙見君諸生中曰天下士也既而高第主司猶以未首

自守如此初至湖廣分守辰常道會柳桂賊起遂請改道
自效冒暑提兵追賊平之在福建以進表至京師會轉河
南時方以柳桂積勞成疾而東賊方渡河天又寒甚有勸
緩行者君亟輿而往既至高縣居守賊方走湖廣君曰賊
逼土兵必復向汝州洛陽藩籬備不可缺乃自嵩馳赴之
賊至君輟食登城晝夜調度手書示城中人曰不上城及
上而輒下者皆斬既而有將下從賊者既斬以徇城守益
堅賊遂引去其臨事應處如此山陵之獄以救君為言者
兩京科道及庶吉事進士凡若干人居性介直濟以和易
與人交能以量容以情恕不能以詞色假故人於君無喜

怒而有感愧其意氣傾動如此性惡華侈位至方伯服食如諸生時有餽貽於故舊儀而不貨其儉約如此吾嘗論君學政兼資惟古之師氣以轉志久而益篤使遂大用當有以副人望者惜也階已及而命沮之然其所建立亦足暴於天下矣君三娶初沈氏累贈宜人生子某女嫁某繼邵氏封孺人贈宜人生子某女嫁某繼應氏孫男一世憲女一君墓在憲女一君墓在某縣某原其墓在卒之明年某月某日銘曰烏乎右父乃躬自厚曰古之人人則謂何三代斯民古亦有信任重道遠中行尚矣孰我狂狷君歷四外邑省藩臺生無遺力死有餘才終焉道路吁其可哀

薦未憚在崑山常熟延禮文儒討論群籍以資博洽高平
則專以經義教諸生旁及鄰邑在吏部時嘗倡爲五經會
非甚病雖冗不輟披覽同考會試以得士稱提學于旃精
鑿所著凡若干卷其爲學如此每談治體自六部達諸鎮
能歷道其故及當變通之宜北虜犯邊嘗陳邊務數十事
馬鈞陽劉華容二公皆重嘆許其才略如此弘治末多所
建白至孝廟山陵方起君聞有以石爲病止疏言之至下
君詔獄執不變未幾還君于職君子謂君言于君無隱情
而山陵之議大矣君既葬石田公廬墓陽嘉山中至功衰
猶戚事張大冝人不有私篋其忠孝大節如此君歷三縣

因時立政畫然歸于禮法極力乃已毀諸淫祠而以其材
充廟學公署之用常熟稅入常後期君令先輸者無耗計
日遞加既乃多益寡耗足轉輸而民無敢後矣東南諸水
由常熟白茅塘入海工侍淳安徐公嘗合四郡力疏之會
有漲沙當海口潮汐增淤水患如故君相許浦塘便率
民間之比歲衝流日深水不為患汴城苦遠汲君井城中
數十處皆得美泉又作屋以居織染貧匠其惠利如此君
為考功郎中逆瑾勢方熾君惟共職不敢以媚會有擬薦
某為某官某為某官而擬君翰林者君聞之亟為書辭于
內閣事為之寢當是時辭難處辭尤難識者以是題君

其惟才之難匪今自古我作銘詞烏乎名父



浙江圖書館

浙江



浙江圖書館

中奉大夫致廣東左布政使事林公訥軒墓誌銘

林俊

弘治甲子左布政使林公訥軒卒明年葬資壽山其孤禮
致憲副黃公熒之書請銘嗚呼渾樸解完士之趣日以下
得見尚古者斯可矣公與吾群黃公汝器方公宜約同時
三方伯俊所畏也前歲銘汝器去歲銘宜約今又銘公老
成淪落有餘感焉公初諱大同後從里辟為同進鄉字也
漳之文山士家曾祖瑩中祖仲謨先主事經賢父也鄭安
人母也秀矐高骨氣定而神閒不為習俗嗜好道用晦昌
事以誠久基遠功而畧近効故恒信于

所知而詘
所不能知由進士為

工部主事改戶部轉負外郎郎中兩列最書一鷹 刺遣
既又有江西布政司右叅政之拜信所知如是烏所不能
知有廣西之調既又有浙江右叅政廣東右布政使與左之
擢藩服大致然也不舉于彼舉于此而優于此逾重詘公
者無重以信公耶公始游從祖邑博澹齋繼游從父邑博
默菴于湖專志理學久而過之不歆外自異文公禮呂氏
鄉約奉以終身故所至諭行無間二書與北溪文集字義
篆訓並梓傳而廣焉靜鎮躁正辟邪嚴佛事火墓之禁毀
三教歸一殿脩來雄學遷文山觀瀾書院公之任也新官政
澄吏奸汰倉弊飛洒之豪戶加額之運軍脫伍之戎籍與保

定之平糴價停七徵蠲夏稅減柴夫馬匹厨料軍需增月
糧罷河役存活二十五萬口而餘公發用之通也監收監
督鎮守皆巨璫公不爲屈兩廣臺臣藩憲有跪禮公不行
卿貳左轄之階公望復大起不須以致其政介也拾遺金
還之故人餽涉非道卻之俸入親與士夫之賢生有給死
有葬陳憲副冷庵之貧張吉士紹齡之死尤加厚焉默堂
之瑩視差父弟某姪祺之教愛無異視子大宗之祠堂先
正林梅雪之祠堂陳方伯選之墓表又手立焉惠與義也
暮年委情林盤輕健若童子身家重若無官所居樹生異
花具如蘭色如蓮彌月則落落則公病以死五月初四日

嗚呼物之種異蓮獨稱君子蘭清脩所自况公無是兆耶
鬼神若信之笑生甲寅十二月二十七日配安人徐氏有
賢行子即禮嚴出娶葉女三黃琳蔡烈王翰其婚禮琳烈
皆郡庠生孫獻其莖鴈月甲子銘曰燕紀刻棘齋頌炙輶
腐或棺拘達迺蟹躁粵有握瑜天日自矢蘭化弗芬我擷
其是嗟嗟訥軒志潔行廉洞視底裡虛明恒謙官以恬起
亦施貧大醇縷脉流風此真悠悠北南徑途川曲盍起典
刑永觀瀾俗

正奉大夫河南左布政使劉公行狀

劉玉撰

公諱挺字咸草姓劉氏宋為汴梁人始祖諱漢臣靖康南徙二世祖諱公甫任萬安丞遂占籍邑之橫街世有明德詳具家譜高祖諱昭年曾祖諱俊英元季弗仕國朝俱贈刑部尚書祖諱廣恒卓犖工詩翰考諱述勲累贈武選郎中妣彭氏封太宜人彭龍泉雩溪郎中公居其二館而公生焉有異質玉粹金精見者拭目成童歸選補邑庠弟子員從泰和曾先生琮吉水楊先生珠講易諷問辨昕夕不休為文辭刻勵宏肆課試屢先其列未冠跳場屋有成

人之譽成化癸卯領江西鄉薦上春官不偶入南雍學殖
益克朋游益附弘治庶成登進士第二甲觀政武選司癸
丑冬授武選主事時大司馬鈞州馬公以嚴蒞屬獨公筮
仕深爲所器雲遺旗役冊同官欲盡革之公稽較數日存
者過半馬公喜曰活者殆萬人美武弁世蔭例雖有常而
滋乂滋多吏或緣以爲奸怙恩附勢者又或以情尼法公
持之以公平蒞之以精審不以利回不以勢屈不數月銓
度以清丁巳北虜有警少司馬李公奉命閱邊庭議以
公爲輔李公卒大同公身任其事脩城堡選將領兵出於
私役以克行任竣事而歸馬公喜曰是可大任矣己未陞

員外郎署郎中事癸亥實授郎中公屢陟皆武選始終廉
慎譽望隆一時僉議超拜公屬丁內艱弗果戊辰服闋補
祠祭司已而文選儀制有缺冢宰靈寶許公大宗伯太原
周公俱屬意許公以周公進先遜之故改公儀制尋遷光祿
少卿始公居武選多忤權貴人至是逆瑾用事多讚之者
錦衣使陽銘以宿怨銜之尤深然卒不能害而瑾反稱道
之己巳冬奉命勘遼陽軍屯蓋出瑾意然竟為同事者
所茅蘖庚午春取歸會同邑蕭姓者通番事敗瑾怒欲連
坐鄉人公出補湖廣右叅政至則分守湖北海廟精旬宣威
惠甚著辛未擢右布政使協心于公庶事咸理壬申轉河

南左布政使值寇攘甫息王師凱旋宴犒送迎勞費百出
當事者縮手袖間公至處之有方優裕周悉上下具宜且
不見聲色衆服其才癸酉春感疾旣愈然益勤于政迨秋
增劇遂不能起公為人精確言笑不妄而臨事詳雅接人
謙和居家敦孝友郎中公雖早世然見其頰角有克家之
喜太宜人多疾購醫藥候視唯謹洎仕績告歸省甚得歡
心居喪盡禮且盡葦時俗賓饌之陋君子稱焉為古章句
步驟柳州有絕似者字畫類顏甚偉晚益竒易學尤精
鉤深剔微卓有定見居南雍及武選時從者甚衆一經指授
輒領鄉薦登科陳本初汪器之吳 思弟其尤顯者居官

勤政品品自將最為都憲安成張公司徒安陸孫公冢宰
樂平喬公所知交游士夫稱之者如出一口湖藩巡撫洎
南科道常交章薦不幸不壽不克竟其所施生天順戊寅
五月 日卒正德癸酉八月初五日得年五十有六娶同
邑學堂蕭氏封宜人子男胆邑庠生孫男壽哥尚幼玉為
公再從弟在鄉校同師官京師同居列方岳同省辱愛最
深茲已矣敢述其所知為狀弟所知不廣而所不知者不
敢以誣惟大君子採焉賜之以銘幸甚



浙江圖書館

張原明

睦榘撰

張原明字孟復儀封人也正德六年進士授刑部主事歷陞郎
中清嚴明慎江彬戲寧嘗以事謁原明悉峻却彬寧銜之十
四年

毅皇南巡衆情洶洶懼變於是原明與郎中陸俸等合疏
八諫意指近倖蓋惑上怒罰跪門五日杖三十奪俸六
月及彬寧事敗原明特加正三品俸尋陞甘肅行太僕卿
布衣張紳獻書闕下言原明李時董祀輩宜屬以軍國
大事不報後數年原明累遷陝西左布政使以疾乞休
詔進光祿寺卿孫鹵舉進士嘗尹高平有卓異之躍擢禮

科給事中累遷吏科左給事中所上數十疏皆切中時弊
雖批逆鱗弗計也



浙江圖書館

中奉大夫廣東左布政使謝公神道碑

迪

劉龍撰

廣東左布政使謝公石厓既塋之明年伯兄少傳公本齋先生自越中走介以書抵龍曰吾弟布政不祿雖已襄事神道尚未有碑於 荆為闕嗣子其屢以為請敢以世好屬之子子其無靳蓋予與石厓以弘治己未同舉進士

廷試策上少傳公實讀予卷少傳公之子太常少卿丕之舉於禮部也予復濫竽校其文道義之雅不一而足方阻官不能往弔以寫予哀為歎使命遠辱願安得辭哉按狀元諱迪字于吉別號石厓自幼神清氣爽穎悟過人父簡

庵公鍾愛以其多病不欲事進取公益務操脩不懈于學
會有司應詔以明經薦入京師得省少傅公卒業東川劉
學士之門居歲餘大有造詣歸浙就省試明年舉進士尋
授兵部職方司主事轉武選司員外郎文移旁午揮遺若
流悉中肯綮大司馬諸公咸委重之正德初逆瑾亂政擅
權少傅公與晦菴少師同時罷去己而遷怒公與少卿丕
亦於歸公怡然退處林下嘯詠自適若將終身


今上登極懋隆治化思用舊臣起為江西右叅議累遷廣
東左布政使八 覲還任遇疾卒于途公夙有遠志久鬱
弗施起廢以來益圖奮勵用答 殊遇其叅議時南昌民

有謀殺其兄而誣其嫂者有司莫能訊公密爲蹤跡竟得
其狀遂伏辜時稱神明巡撫都銜史盛公薦爲九江兵備
副使其地爲江湖要衝自逆藩扇變之後凋敝弗堪事多
可慮公除其煩苛務爲綏戢民賴以寧建議城彭澤財力
之給經畫裕如公私不擾九江形勢自是增壯修理庠校
以作育爲事科目得雋傾殊于昔陶靖節欣梁公之祠歲
久傾圮爲之葺治以崇祀事曰是風化所關不可廢也轉
河南按察使風裁肅然獄无滯囚僚友旁觀嘖嘖歎服嶺
南之擢事先其要裕民剔弊不遺餘力時值大比以貢院
隘陋弗稱拓而新之士就試者從容展布以爲科目之重

餘固未能悉也論者謂其深於經學不尚詞華發之舉措
鑿：可行有補于世才識明敏足以濟之又毅然有執不
為世改撓屈隨所至輒有聲稱使天假之年得究其用事
業所建尤當有不可量者惜乎其遽止於斯也卒以嘉靖
乙丑五月二十四日距其生成化丁亥十月二十五日春
秋六十有三曾祖諱原廣祖諱瑩號直菴考諱息號簡菴
俱以少傅公遺累贈光祿大夫柱國少傅兼太子太傅禮
部尚書武英殿大學士曾祖妣嚴氏祖妣余氏妣鄒氏俱
累贈一品夫人生母林以公貴贈安人配翁氏陝西按察
副使遂之女封安人柔淑克治內職无子少傅公以其子

國子生亘嗣公後女三嫁適宦族進士徐子龍庠生王惟
正劬璽其婿也嗚呼自古世祿之曹席寵怙侈劣于齊民
豈惟无以自立而家聞或併以璽故曰門第高可是不可
恃以此爾乃有石厓者獨以家學致身通顯效用明時增
光武兄邁於流俗遠甚彼所謂豪傑之士也非那是宜著
之爰告來裔而繫之以銘銘曰

維此曾稽江山秀溢錫祉降祥哲人是出在古可考益徵
于今卓彼謝氏秩、德音維少傳公文魁四海相業巍然
典刑具在曰第曰子家學相傳科名競爽霄漢聯翩於維
石厓位躋方嶽南北宦途聲華學、明以折獄獄號不寃



得陽駐節維藩維垣晉典臬司振揚風紀汴水澄清令聞
 不已嶺南布德民弗忍忘勿剪勿伐召伯甘棠死且不朽
 匪番于壽嗣子得人是為有後雞籠之麓牛眠之阡遇者

歛衽維百千年

浙江圖書





浙江圖書館



浙江圖書館



浙江圖書館

浙江圖書館善本


甲登記號：006671

一九 年 月 日



浙江圖書館

colorchecker CLASSIC



xrite



